

OTMAR ODUBER

ASSISTANT TOURISM ADVISOR

HOBEN, TALENTOSO Y ELEGANTE

Describi Otmar Oduber ta al igual un pintura di ansiedad pa cu superacion un ser intelectual mirando lama cu e deseo ferviente pa e crecimiento positivo di Aruba su hendenan.

Conoce Otmar Oduber, un hoben cu a demostra su mes, capaz di enfrenta un budget di casi 1.8 miyon florin y entrega su resultado cu ta supera den retorno di inversion. Otmar Oduber, jiu homber di Señor y Señora Rudy y Clara Oduber. E ta ruman di e fayecido Simon Oduber cu tambe a sa di laga un record impresionante den logronan den e mundo di Turismo tanto na Estados Unidos como na Aruba y Latino America. Na edad hopi hoben Simon a laga e bida aki y a keda recorda den Aruba su Turismo.

"Simon tabata mi ruman mayor cu semper mi a admira y cu a sirbi di inspiracion pami. Semper e la dunami e curashi pa sigui cu mi estudionan den e campo aki y ta bao su guia cu awe mi ta den e posicion di Budget Coordinator pa e gabinete hoben di Minister Tico Croes." Otmar no por keda sin agrega.

Ex-estudiante di Colegio Arubano y tambe Bushiri Hotel School, Otmar a persigui e carrera di Hospitalidad na Miami, Florida na unda e la gradua exitosamente. Actualmente e ta felizmente casa cu Gislene.

Como persona directamente involucra cu Economia y Turismo Otmar Oduber no por a keda sin comenta cu orguyo di e adelanto cu su departamento ta mirando.

"Aruba a pasa den diferente epoca dificil. Arubiano ta deposita confianza den Aruba, na unda mas y mas negoshi ta habri nan portanan den

retail, pero tambe den Free Zone. Consecuentemente economia ta bayendo den un bon direccion. Esaki por ser comproba na e cifranan recien di inflacion cu a baha cu 3.2 porciento cu ta significa un cambio drastico den e costo di bida di e famia Arubano". Otmar ta bisa.

Turismo actualmente, segun cifranan ta experimentando e cambio den e turista cu ta bishita Aruba. Enbez di e Blue Collar Visitor, awendia Aruba ta haya bishita di Ehecutiveonan, managers, doño di



negoshi, cu ta gasta mas. Via Centrale Bank por analisa e cifranan aki ta e prueba cu e mercadeo ta eficiente. Aruba ta e pais cu ta haya mas entrada den e region Caribense y lo sigui aumenta den popularidad, pesey cada un di nos mester ta optimista y pone nos parti pa e adelanto di nos pais." Otmar ta comenta como tur un futuro politico.

Lo e ta riba lista den futuro?" Bueno mi tin hopi plannan den making, mi lo kier tin mi propio negoshinan den futuro, sigui traha pa Turismo y Economia. "Mi ta orguyoso di e oportunidad brinda na mi pa Minister Tico Croes y su confianza deposita den mi como hoben y ta pa e motibo aki, cu lo mi kier keda



excell den e tereno aki."

Conta nos un poco mas di e cambionan cu ta bin?"

Oficialmente mi no por divulga nada ainda, pero si mi por duna Hola Aruba dos hint. Primeramente debi na e exito cu e pakete di

Honeymooners pa e siguiente aña lo haci esaki mas atractivo ainda. Den e mesun trend lo sigui atrae esnan cu por gasta mas pa Aruba y di mes pasa asina mas tempo na e isla, p.e. mercado Europeo y concentra riba e Honeymoon Market. E di dos proyecto hunto cu AHATA, ta trahando riba un KIDS PACKAGE cu lo inclui mas atraccion pa e muchanan, un proyecto den pipeline cu si bira un realidad lo consisti di un

parque di awa y un ciudad di weganan. Muchanan ta futuro, y tur mayor ta disfruta mas di nan vacacion, si nan yiunan ta bon cuida.

Kiko bo ta pensa di bo nominacion? Un empuhe grandi pa demas. ***"Mi ta apoya e iniciativa. Etica di bisti ta importante pa bo exito personal y bo identificacion como persona. Aunke no tin hopi variedad pa hende homber, toch mi ta di firme opinion cu semper bo mester adecuado bisti pa e ocasion apropiada."***

Bistimento ami ta wake como un forma di duna respet na esnan rond di Bo p'asina bo ricibi e mesun respet back". Otmar Oduber ta finaliza.